

Izveštaj o radu Uprave policije MUP-a Kantona Sarajevo za mjesec avgust 2020. godine

KRIMINALITET

STATISTIČKI POKAZATELJI

U mjesecu avgustu 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 540 događaja sa obilježjem krivičnog djela (što je za 249 ili 85,6% više u odnosu na isti mjesec prethodne godine).

Povećanje ukupnog broja registrovanih događaja sa obilježjem krivičnih djela u mjesecu avgustu 2020. godine u odnosu na avgust prethodne godine jeste rezultat provedene akcije kodnog naziva „DAR 1“ koju je pod nadzorom Kantonalnog tužilaštva Kantona Sarajevo provela Uprava policije MUP-a Kantona Sarajevo s ciljem rasvijetljavanja i dokumentovanja krivičnih djela sa obilježjem korupcije u redovima policije. Podneseni su službeni izvještaji protiv 18 policijskih službenika zbog postojanja osnova sumnje da su počinili ukupno 151 krivično djelo.

Od ukupnog broja registrovanih događaja sa obilježjem krivičnog djela, 295 ili 54,6% je evidentirano po poznatom izvršiocu, a 245 ili 45,4% po nepoznatom izvršiocu.

Od ukupno 245 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 49 ili 20% (što je za 3,6% više u odnosu na uporedni mjesec) od čega je 14 događaja evidentirano u mjesecu avgustu, a 34 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 242 obavijesti (87 više) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU AVGUSTU 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
AVGUST 2020. GODINE	540	295	245	49	35	172	5	95	96
AVGUST 2019. GODINE	291	169	122	20	15	170	4	97	93
<i>uporedba</i>	249	126	123	29	20	2	1	-2	3
	85,6%	74,6%	100,8%	145%	133,3%	1,2%	25%	-2,1%	3,2%

U toku mjeseca avgusta ove godine prijavljena su 172 lica (dva više), od kojih je 95 povratnika (dva manje) (ili 55,2% od ukupnog broja prijavljenih lica), pet maloljetnika (jedan više), a 96 lica je lišeno slobode (tri više).

Za događaje sa obilježjem krivičnog djela, koji su evidentirani u mjesecu avgustu 2020. godine, prema izjavama oštećenih lica, nastupila je materijalna šteta u ukupnom iznosu od 455.079,00 KM i 550 €.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU AVGUSTU 2020/19. GODINE
NA PODRUČJU KANTONA SARAJEVO PREMA KRIVIČNOM ZAKONU FBIH-a I BiH**

KZ FBiH-a i KZ BiH-a	AVGUST 2020. GODINE	AVGUST 2019. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijtjenih događaja	
			+ / -	%			broj	%
Protiv života i tijela	12	14	-2	-14,3%	11	1	0	0%
Protiv slobode i prava čovjeka i građanina	14	10	4	40%	14	0	0	---
Protiv spolne slobode i morala	3	1	2	200%	3	0	0	---
Protiv braka, porodice i mladeži	21	25	-4	-16%	21	0	0	---
Protiv zdravlja ljudi	21	54	-33	-61,1%	21	0	0	---
Protiv privrede poslovanja i sigurnosti platnog prometa	0	1	-1	----	0	0	0	---
Protiv imovine	281	153	128	83,7%	42	239	43	18%
Protiv opće sigurnosti ljudi i imovine	10	6	4	66,7%	5	5	3	60%
Protiv sigurnosti javnog prometa	5	8	-3	-37,5%	5	0	0	---
Protiv pravosuđa	5	0	5	---	5	0	3	---
Protiv javnog reda i pravnog prometa	9	12	-3	-25%	9	0	0	---
Protiv podmićivanja i KD protiv službene ...	154	0	154	---	154	0	0	---
Protiv privrede i jedinstva tržišta te KD iz oblasti carina (KZBiH)	1	0	1	---	1	0	0	---
ZONDINOIM-a - Zakon o nabavljanju, držanju i nošenju oružja i municije (Sl.novine KS br.01/18)	4	7	-3	-42,9%	4	0	0	---
UKUPNO	540	291	249	85,6%	295	245	49	20%

U mjesecu avgustu 2020. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 249 ili 85,6%. Najznačajnije povećanje je zabilježeno u oblastima protiv podmićivanja i krivičnih djela protiv službene i druge odgovorne funkcije (za 154 događaja) i imovine (za 128), dok su smanjenja evidentirana u oblastima protiv zdravlja ljudi (za 33 događaja), sigurnosti javnog prometa (za tri), protiv javnog reda i pravnog prometa (za tri događaja), itd.

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom avgusta 2020. godine evidentirano je 12 događaja sa obilježjem krivičnog djela iz oblasti protiv života i tijela (dva manje u odnosu na mjesec avgust 2019. godine) i to 11 po poznatom i jedan po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) – dva događaja,
- ubistvo u pokušaju (član 166. U vezi člana 28. KZ FBiH) – dva,
- teška tjelesna ozljeda (član 172. KZ FBiH) – tri i
- lahka tjelesna ozljeda (član 173. KZ FBiH) – pet događaja.

Nadležnom tužilaštvu podneseni su službeni izvještaji protiv deset lica, od kojih su četiri povratnika (ili 40%), a četiri su lišena slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 14 događaja sa obilježjem krivičnog djela (četiri više) i to ugrožavanje sigurnosti za čije je izvršenje prijavljeno 12 lica, od kojih su četiri povratnika (ili 33,3%), a pet je lišeno slobode.

Događaji sa obilježjem krivičnog djela ugrožavanja sigurnosti izvršiocu su upućivali verbalne prijetnje, pisane - prijeteće poruka i sl., te ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu avgustu evidentiran je 21 događaj sa obilježjem krivičnog djela (četiri manje) i to nasilje u porodici, za čije izvršenje su prijavljena 22 lica, od kojih je 12 povratnika (ili 54,5%), a 14 je lišeno slobode.

PROTIV ZDRAVLJA LJUDI

Evidentiran je 21 događaj sa obilježjem krivičnog djela iz oblasti protiv zdravlja ljudi (33 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva i
- posjedovanje i omogućavanje uživanja opojnih droga (čl. 239. KZ FBiH) – 19 događaja.

Nadležnom tužilaštvu podneseni su službeni izvještaji protiv 21-nog lica, među kojima je 12 povratnika (ili 57,1%) i devet lica je lišeno slobode.

Policijski službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službeni izvještaj protiv H.Dž.(1990) i M.S. (1993) zbog postojanja osnova sumnje da su u proteklom periodu u više navrata kupovili opojnu drogu "Marihuanu", na raznim lokalitetima, od za sada nepoznatih lica, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 19 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Extazy", „Speed“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU AVGUSTU 2020/19. GODINE

VRSTA OPOJNE DROGE	avgust 2020. godine	avgust 2019. godine
Marihuana (paketići)	5	19
Marihuana (u gramina)	2.534,876	236
Heroin (paketići)	1	2
Amfetamin (paketići)	---	6
Amfetamin (u gramima)	59	---
Extazy (tablete kom.)	9,5	28
pribor sa ostacima droge (komada)	5	4

PROTIV IMOVINE

U ovom mjesecu, evidentiran je 281 događaj sa obilježjem krivičnog djela protiv imovine (42 po poznatom i 239 po nepoznatom izvršiocu) što je za 128 ili 83,7% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 146 (48 više),
- krađa (član 286. KZ FBiH) – 71 (54 više),
- razbojništvo (član 289. KZ FBiH) – 33 (10 više),
- teška krađa u pokušaju (član 287. u vezi člana 28. KZ FBiH) – devet (sedam više),
- oštećenje tuđe stvari (član 293. KZ FBiH) – devet (jedan više),
- utaja (član 290. KZ FBiH) – sedam (šest više), itd.

Nadležnom tužilaštvu podneseni su službeni izvještaji protiv 43 lica, od kojih su 33 povratnika (ili 76,7%), a 24 su lišena slobode.

Od ukupno 239 događaja evidentiranih po nepoznatom izvršiocu iz oblasti protiv imovine naknadno su rasvijetljena 43 ili 18% što je za 1,4% više u odnosu na avgust 2019. godine.

Tokom mjeseca avgusta ove godine, prema objektima izvršenja teških krađa, 66 je izvršeno u poslovnim prostorima (54 više), 32 u stambenim objektima (tri manje), 20 u motornim vozilima (otuđenja motornih vozila i “provale” u ista) (14 manje), 17 na ulici (četiri više), itd.

Takođe, evidentirano je devet otuđenja motornih vozila, a pet je pronađeno i vraćeno vlasnicima od strane policijskih službenika Uprava policije MUP-a KS.

Broj otuđenih motornih vozila u odnosu na uporedni mjesec smanjen je za šest ili 40%.

Evidentiran je 71 događaj sa obilježjem krivičnog djela krađe (54 više) i to: na ulici – 27 puta, u poslovnim prostorima – 15, u stambenim objektima - devet, u vozilima i na stajalištima GRAS-a – osam, u haustorima stambenih zgrada – osam, itd. odakle su otuđivani mobiteli, novčanici, prehrambeni proizvodi, bicikli, hidrantska crijeva, alati, itd.

Evidentirano je devet događaja sa obilježjem krivičnog djela teških krađa na naročito opasan ili naročito drzak način (pet manje), u kojima su izvršiocu, upotrebom fizičke snage (otimanjem i trganjem) - sedam puta i verbalnom prijetnjom u dva slučaja, otimali mobitele, novac i tašne, a evidentirani su: na ulici - sedam puta, u sportskoj kladionici i u prodavnici - po jedan. Nadležnom tužilaštvu podnesen je službeni izvještaj protiv jednog lica, povratnika u činjenju krivičnih djela, koji je lišen slobode.

U mjesecu avgustu ove godine evidentirana su 33 događaja sa obilježjem krivičnog djela razbojništva (deset više).

Nadležnom tužilaštvu podneseni su službeni izvještaji protiv 13 lica, od kojih je devet povratnika (ili 69,2%), a deset je lišeno slobode. Od ukupno 26 događaja razbojništava evidentiranih po nepoznatom izvršiocu, naknadno je rasvijetljeno pet (tri događaja je iz ranijeg perioda) ili 19,2% (što je za 25,8% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - 13 puta, prijetnjom upotrebe noža ili drugog oštrog predmeta – 12 i upotrebom fizičke snage – osam puta, a počinjena su u sportskim kladionicama – 11 puta, u poslovnim prostorijama – devet, na ulici – sedam, u apotekama i na benzinskim pumpama – po dva, itd. Otuđivani su mobiteli, novac i nakit.

PROTIV OPĆE SIGURNOSTI LJUDI I IMOVINE

Iz ove oblasti evidentirano je deset događaja (četiri više) i to: - izazivanje opće opasnosti – sedam, nesavjesno čuvanje pasa i drugih opasnih životinja – dva i izazivanje opće opasnosti u podstrekavanju - jedan događaj, a nadležnom tužilaštvu podneseni službeni izvještaji protiv sedam lica, od kojih je šest povratnika (ili 85,7%), a dva su lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru – šest i u stambenom objektu – jedan pri čemu je četiri puta otvorenim plamenom izazvan požar i u tri slučaja je upotrijebljeno vatreno oružje. Posljedice su povrijeđivanje dva lica, nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je devet događaja sa obilježjem krivičnog djela (tri manje) i to: nasilničko ponašanje – šest, nedozvoljeno držanje oružja ili eksplozivnih materija - dva i napad na službenu osobu u vršenju poslova sigurnosti - jedan događaj.

Nadležnom tužilaštvu podneseni su službeni izvještaji protiv 14 lica od kojih je deset povratnika (ili 71,4%), a šest lica je lišeno slobode.

PROTIV PODMIĆIVANJA I KRIVIČNA DJELA PROTIV SLUŽBENE I DRUGE ODGOVORNE FUNKCIJE

U ovoj oblasti evidentirana su 154 događaja sa obilježjem krivičnog djela i to: primanje dara ili drugih oblika koristi – 137, zloupotreba položaja ili ovlašćenja - 11, primanje nagrade ili drugog oblika koristi za trgovinu uticajem – dva, davanje dara i drugih oblika koristi, pronevjera u službi, nesavjestan rad u službi i odavanje službene tajne – po jedan događaj.

Nadležnom tužilaštvu podneseni su službeni izvještaji protiv 22 lica od kojih je jedan povratnik (ili 4,5%), a 18 lica je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu avgustu 2020. godine evidentirano je pet događaja sa obilježjem krivičnog djela, u kojima je učestvovalo pet maloljetnih lica. U odnosu na isti mjesec 2019. godine povećan je broj maloljetnih lica kao i broj događaja sa obilježjem krivičnog djela za jedan ili 25%. Prijavljeni maloljetnici su u dobi od 14 do 16 godina – jedan, od 16 do 18 godina – četiri. Od ukupnog broja maloljetnika tri su povratnika u izvršenju događaja sa obilježjem krivičnog djela.

STAROSNA DOB MALOLJETNIH LICA AVGUST 2020/2019. GODINU

MJESEC	od 14 do 16 god.	od 16 do 18 god.	ukupno
avgust 2020. godina	1	4	5
avgust 2019. godina	3	1	4

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca avgusta 2020. godine na području Kantona Sarajevo evidentirana su dva događaja aktiviranja minsko-eksplozivnih sredstava (nije bilo u avgustu 2019. godine) usljed čega je nastupila materijalna šteta. Preduzimaju se aktivnosti na rasvjetljavanju ovih slučajeva i pronalaženju učinilaca.

U toku avgusta 2020. godine nije bilo evidentiranih slučajeva anonimnih dojava o postavljanju eksplozivnih naprava (kao u avgustu 2019. godine).

POŽARI

Tokom mjeseca avgusta 2020. godine, na području Kantona Sarajevo registrovano je 14 požara (sedam manje u odnosu na isti mjesec prethodne godine), u kojima je jedno lice teško povrijeđeno.

Požari su registrovani na području općina: Ilidža – 10, Stari Grad, Centar, Novo Sarajevo i Vogošća – po jedan požar.

Prema statističkim pokazateljima, četiri požara su izazvana namjerno, tri zbog tehničkih nedostataka, jedan nehatom, dok uzroci šest požara spadaju u kategoriju ostalih.

Objekti registrovanih požara bili su:

- Saobraćajno sredstvo - četiri puta,
- Stambeni objekat – tri,
- Pomoćni objekat – jednom,
- Poslovni prostor – jednom,
- Ostali objekti - pet puta.

Zbog izazivanja požara nadležnom tužilaštvu podnesena su četiri službena izvještaja iz člana 323. KZ FBiH (izazivanje opće opasnosti).

SAMOUBISTVA

U mjesecu avgutu 2020. godine na području Kantona Sarajevo registrovana su tri samoubistva (jedno više u odnosu na avgust prošle godine), koja su izvršena: skakanjem sa visine - dva puta i vješanjem – jednom.

Samoubistva su izvršile dvije osobe muškog i jedna osoba ženskog spola.

Muškarci su starosti: 48 i 75 godina, dok je žena starosti 30 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzete su tri pištolja, dva noža i 224 komada municije raznog kalibra.

Tokom mjeseca avgusta ove godine fizičkim licima izdato je 150 odobrenje za nabavku vatrenog oružja i 147 oružnih listova.

JAVNI RED I MIR

U toku mjeseca avgusta 2020. godine u oblasti protiv javnog reda i mira evidentirana su 454 prekršaja (šest ili 1,3% više u odnosu na isti mjesec 2019. godine), a za izvršenje navedenih prekršaja prijavljeno je 498 lica (22 ili 4,6% više), od čega je 81 povratnik u činjenju prekršaja.

Zbog učinjenih prekršaja u oblasti protiv javnog reda i mira izdato je 359 naloga i podneseno je 95 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 382 prekršaja (ili 84,1%), a na prekršaje koji su utvrđeni Odlukom općinskih vijeća o javnom redu i miru 72 (ili 15,8%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (236), između 26 i 35 godina (168), 19 i 25 godina (91), i do 18 godina – tri učinioca.

Prilikom narušavanja javnog reda i mira u mjesecu avgustu 2020. godine, nije bilo teže povrijeđenih lica (isto kao u avgustu 2019. godine), dok je 13 lica (dva više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC AVGUST 2020/2019.GODINA

STRUKTURA PREKRŠAJA	AVGUST 2020.	AVGUST 2019.	+ - %
UKUPNO prekršajnih naloga i zahtjeva za ppp	454	448	+6 ili 1,3%
UKUPNO lica	498	476	+22 ili 4,6%
Prekršaji prema Zakonu o prekršajima protiv JRiM:	382	392	-10 ili 2,5%
<i>-Tuča</i>	37	39	-2 ili 5,1%
<i>-Naročito drsko ponašanje</i>	75	51	+24 ili 47%
<i>-Odbijanje naređenja i omalovažavanje pol. služb.</i>	42	24	+18 ili 75%
<i>-Prosjačenje</i>	113	189	-76 ili 40,2%
<i>-Paljenje petardi</i>	3	1	+2 ili 200%
<i>Uživanje opojne droge na javnom mjestu</i>	2	0	+2
<i>-Svađa, vika, nepristojno ponašanje</i>	32	28	+4 ili 14,3%
<i>-Ostali prekršaji</i>	78	60	+18 ili 30%
Ukupno naloga/ zahtjeva prema Odluci o.v. o JRM	72	56	+16 ili 28,6%

Iz tabelarnog pregleda vidljivo je, da je tokom mjeseca avgusta 2020. godine, u odnosu na avgust prethodne godine prema strukturi prekršaja povećan broj prekršaja:

- naročito drskog ponašanja za 24 ili 47%,
- odbijanje naređenja i omalovažavanje policijskih službenika za 18 ili 75%,
- ostali prekršaji za 18 ili 30%,
- prekršaji koji su regulisani Odlukom općinskih vijeća za 16 ili 28,6%,
- svađa, vika, nepristojno ponašanje za četiri ili 14,3%,
- paljenje petardi za dva ili 200% i
- uživanje opojne droge na javnom mjestu za dva;
- dok je smanjen broj prekršaja:
- prosjačenje za 76 ili 40,2% i
- tuča za dva ili 5,1%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (424 ili 93,4% od ukupnog broja), a znatno manje u ugostiteljskim objektima (pet ili 1,1%), u vozilima javnog saobraćaja i trgovinama i zanatskim radnjama (po jedan), a na ostalim mjestima 23 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU
IZVRŠENJA ZA MJESEC AVGUST 2020/2019. GODINE

MJESTO IZVRŠENJA	AVGUST 2020.	AVGUST 2019.	+ - %
<i>Ulica i drugi otvoreni prostor</i>	424	406	+18 ili 4,4%
<i>Ugostiteljski objekti</i>	5	26	-21 ili 80,8%
<i>Vozila javnog saobraćaja</i>	1	0	+1
<i>Sportski stadioni i dvorane</i>	0	0	---
<i>Škole (školska dvorišta)</i>	0	2	-2
<i>Trgovinske i zanatske radnje</i>	1	2	-1 ili 50%
<i>Ostala mjesta</i>	23	12	+11 ili 91,7%
UKUPNO	454	448	+6 ili 1,3%

U odnosu na isti mjesec 2019. godine, smanjen je broj prekršaja evidentiranih u ugostiteljskim objektima za 21 ili 80,8%, u školama i školskim dvorištima za dva i u trgovinama i zanatskim radnjama za jedan, dok je broj prekršaja povećan na ulicama i drugim otvorenim prostorima za 18 ili 4,4%, u vozilima javnog saobraćaja za jedan i na ostalim mjestima za 11 ili 91,7%.

Na području Kantona Sarajevo u mjesecu avgustu 2020. godine održana su 162 javna skupa (59 ili 26,7% manje u odnosu na mjesec avgust 2019. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 14 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu avgustu 2020. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom i nastradalim licima i broj nastradalih lica.

Registrovane su 722 saobraćajne nezgode (107 ili 12,9 % manje), od čega su 644 sa materijalnom štetom (102 ili 13,7 % manje) i 78 sa nastradalim licima (pet ili šest % manje).

Tokom mjeseca avgusta 2020. godine u saobraćajnim nezgodama na području Kantona Sarajevo 89 lica je povrijeđeno (17 ili 16 % manje), od čega 13 teže i 76 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC AVGUST 2020./19. GODINE

	avgust 2020.	avgust 2019.	+ ,-, %
UKUPNO SAOBRAĆAJNIH NEZGODA	722	829	- 107 ili 12,9 %
Saobraćajne nezgode sa nastradalim licima	78	83	- 5 ili 6 %
Saobraćajne nezgode sa materijalnom štetom	644	746	- 102 ili 13,7 %
POGINULO LICA	0	2	- 2
- vozači	0	1	- 1
-putnici	0	0	----
- pješaci	0	1	- 1
POVRIJEĐENO LICA	89	106	- 17 ili 16 %
- vozači	63	49	+ 14 ili 28,6 %
- putnici	15	40	- 25 ili 62,5 %
- pješaci	11	17	- 6 ili 35,3 %

U naselju je registrovana 681. saobraćajna nezgoda (69 sa povrijeđenim licima i 612 sa materijalnom štetom), van naselja 41. nezgoda (devet sa povrijeđenim licima i 32 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU AVGUSTU 2020. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		12	57	612	681		12	68
van naselja		1	8	32	41		1	8
UKUPNO		13	65	644	722		13	76

Prema kategoriji puta, najveći broj saobraćajnih nezgoda registrovan je:

- na ulicama u naselju – 480 nezgoda u kojima su 42 lica povrijeđena (sedam teže i 35 lakše),
- na magistralnim putevima – 91. nezgoda u kojoj je 13 lica povrijeđeno (četiri teže i devet lakše),
- na regionalnim putevima – 38 (pet lica lakše povrijeđeno),
- na lokalnim putevima – 10 (jedno lice lakše povrijeđeno),
- na putevima koji se ubrajaju u kategoriju ostalih – 103 (28 lica povrijeđeno, dva teže i 26 lakše).

POSLEDICE SAOBRAĆAJNIH NEZGODA

U saobraćajnim nezgodama tokom mjeseca avgusta 2020. godine, 89 lica je povrijeđeno: 13 teže i 76 lakše.

STEPEN POVREDA UČESNIKA U SAOBRAĆAJNIM NEZGODAMA

- Vozači : 63 vozača su povrijeđena: osam teže i 55 lakše,
- Putnici: 15 putnika je povrijeđeno: jedan teže i 14 lakše,
- Pješaci: 11 pješaka je povrijeđeno: četiri teže i sedam lakše.

Starosna struktura nastradalih lica u saobraćajnim nezgodama je slijedeća:

- od 6 do 14 godina – četiri lica,
- od 15 do 20 godina – 10,
- od 21 do 24 godine – devet,
- od 25 do 30 godina – 19,
- od 31 do 40 godina – 18,
- od 41 do 50 godina – šest,
- od 51 do 65 godina – 16,
- 66 i više godina – pet,
- nepoznata starosna dob – dva lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – šest,
- od 23 do 30 godina – 15,
- od 30 do 40 godina – 17,
- od 40 do 50 godina – pet,
- od 50 do 60 godina – 14,
- 60 i više godina – četiri,
- nepoznata starosna dob – dva lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 606 (72 lica povrijeđena, 10 teže i 62 lakše),
- neprilagođena brzina – 108 (17 lica povrijeđeno, tri teže i 14 lakše),
- uticaj alkohola – pet (bez nastradalih lica),

- oštećenje puta – dvije saobraćajne nezgode (bez nastralih lica),
- neispravan pneumatik – jedna nezgoda (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca avgusta 2020. godine, policijski službenici Uprave policije MUP-a Kantona Sarajevo kontrolisali su:

- 16.434 vozila i vozača (1.479 manje),
- 4.236 lica u vozilima (142 više) i pregledali 147 vozila (dva više) i 135 lica u vozilima (13 manje).

Zbog tehničke neispravnosti iz saobraćaja je isključeno 39 vozila (pet manje), 222 vozača su zatečena da upravljaju vozilom pod dejstvom alkohola (44 manje), 370 bez korištenja sigurnosnog pojasa (79 manje), 228 bez položenog vozačkog ispita (55 više), 69 pod izrečenom zaštitnom mjerom (24 više), 341 vozač je zatečen da koristi mobilni telefon tokom vožnje (17 više) i 546 vozila je učestvovalo u saobraćaju bez važeće registracije (37 više).

Zbog kršenja propisa iz oblasti sigurnosti saobraćaja uručen je 15.331 prekršajni nalog vozačima (1.754 ili 10,3 % manje u odnosu na avgust prošle godine) i podneseno 440 zahtjeva za pokretanje prekršajnog postupka (370 ili 528,6 % više).

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca avgusta 2020. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 6.020 prekršajnih naloga (1.715 manje), upozoreno je 248 vozača (59 manje), a specijalnim vozilom "pauk" premješteno je 141. vozilo (83 manje).

Takođe, pješacima koji su kršili propise uručeno je 107 prekršajnih naloga (97 manje), a upozorena su 34 pješaka (pet manje).

4. ZAKONITOST U RADU

Tokom mjeseca avgusta 2020. godine, registrovan je jedan pojedinačni napad na policijske službenike Uprave policije MUP-a KS (isto kao u mjesecu avgustu prethodne godine). U napadu je učestvovalo jedno punoljetno lice koje je putem društvenih mreža prijetilo policijskim službenicima.

Policijski službenici Uprave policije su u mjesecu avgustu 2020. godine u pet slučajeva opravdano upotrijebili silu (tri više).

Tokom mjeseca avgusta 2020. godine, razmatrane su 63 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 35 predstavki (14 više) provede unutrašnja istraga, za 17 predstavki je odlučeno da se izvrše provjere i prikupi dokumentacija, a za 11 da su neosnovane.

Od 63 razmatrane predstavke, 34 su podnesene od strane građana, dok 29 predstavki predstavljaju saznanja iz službe.

Okončano je osam unutrašnjih istraga, od čega je pet bilo bez dovoljno dokaza, u dva slučaja istrage su neosnovane, dok je jedna istraga okončana ocjenom oslobađajuća.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti, mjere i radnje, a koje su vezane za pandemiju „Koronavirusa“ (COVID-19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja.

Kontinuirano je vršen obilazak ugostiteljskih objekata u cilju kontrolisanja ograničenja rada istih.

Vršen je obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakta sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

U organizaciji Udruženja „Pravnik“, na međunarodnoj ljetnoj školi Sarajevo je za studente iz osam zemalja regije i Evrope održana edukativna radionica na temu „Uloga policijskih službenika u mirovnim misijama Ujedinjenih naroda, rodne ravnopravnosti te seksualno nasilje u postkonfliktnom društvu“.

U vezi podrške kampanji koja se odnosi na pomoć osobama u problemu ovisnosti, održan je sastanak sa predstavnicima Udruženja za resocijalizaciju bivših ovisnika „Proslavi oporavak“.

U organizaciji Udruženja „Mreža policijskih službenica“, a u okviru projekta „Borba protiv rodno zasnovanog nasilja u policijskim strukturama u BiH“, u hotelu „Vučko“ na Jahorini održana je dvodnevna obuka na temu „Podizanje svijesti o rodno zasnovanoj diskriminaciji i seksualnom uznemiravanju na radnom mjestu“.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 2.910 migranata.

U mjesecu avgustu 2020. godine migranti su učestovali u 12 događaja sa obilježjem krivičnog djela i to:

- ubistvo (čl. 166. KZ FBiH)- jedan događaj,
- ubistvo u pokušaju (čl. 166. u vezi člana 28. KZ FBiH)- jedan događaj,
- teška tjelesna ozljeda (čl. 172. KZ FBiH) – tri događaja,
- lahka tjelesna ozljeda (čl. 173. KZ FBiH) – jedan događaj,
- krađa (čl. 286. KZ FBiH) – jedan,
- razbojništvo (čl. 289. KZ FBiH)- tri,
- izazivanje opće opasnosti (čl. 323. KZ FBiH) - jedan i
- lažno predstavljanje (čl. 369. KZ FBiH) – jedan događaj.

Tokom mjeseca avgusta 2020. godine, službenici policije proveli su ukupno 11 akcija, kontrolisali su 215 migranata, od čega 129 nije posjedovalo registracijski obrazac, deset je predato službi za poslove sa strancima radi registracije i 151 migranat je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC AVGUST 2020. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	2.910
UKUPAN BROJ KONTROLISANIH MIGRANATA	215
BROJ MIGRANATA LIŠENIH SLOBODE	9
BROJ KRIVIČNIH DJELA POČINJENIH OD STRANE MIGRANATA	12
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	27
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	11
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	151

Odjeljenje za odnose s javnošću

Sarajevo, 14.09.2020. godine